

DECRETO DE ALCALDÍA

ASUNTO: aprobación das bases do Concurso de carteis polo día da muller 2024

Vistos o informe técnico e a proposta de bases do Concurso de carteis polo día da Muller do presente ano, que literalmente se transcriben:

BASES CONCURSO DE CARTEIS DO DÍA DA MULLER 2024

O concurso busca concienciar mediante a expresión plástica e artística entre o alumnado sobre:

- Os dereitos humanos da muller e da nena como parte inalienable, integrante e indivisible dos dereitos humanos universais.
- A plena participación, en condicións de igualdade, da muller na vida política, civil, económica, social e cultural.
- Acadar vías de erradicación de todas as formas de discriminación baseadas no xénero.

PARTICIPACIÓN

Poderá participar no concurso todo o alumnado dos centros educativos do concello de Rois.

Cada concursante poderá utilizar a técnica que considere máis axeitada para o seu traballo (ilustración, fotografía, colaxe, etc.), tendo como tamaños A3 ou A4 e acompañando o traballo obrigatoriamente cun lema ou texto curto en galego que represente a conmemoración en cuestión.

Permítese a presentación de traballos en grupo.

Deberán ser orixinais e inéditos.

PRESENTACIÓN

Os traballos candidatos achegarán a folia de inscrición cuberta cos datos persoais do/a concursante ou grupo, así como os datos do centro educativo.

Os traballos serán entregados nos propios centros educativos.

O prazo de presentación finalizará o venres 23 de febreiro, día en que se recollerán os traballos nos centros.

PREMIOS

Entregaranse 2 premios por cada unha das 9 categorías establecidas a saber: 1º a 3º de educación infantil, 4º de educación infantil, 5º de educación infantil, 6º de educación infantil; 1º e 2º de educación primaria; 3º e 4º de educación primaria, 5º e 6 de educación primaria; 1º e 2º da ESO, 3º e 4º da ESO.

No caso de presentación ao concurso dun traballo grupal realizado por menores de idades correspondentes a diferentes categorías, clasificarase na categoría da nena ou neno de máis idade.

Os carteis premiados servirán para anunciar os actos programados polo Concello para o Día da Muller na vindeira convocatoria. O resto das/os participantes tamén recibirán diploma acreditativo.

OBSERVACIÓNS

A participación neste Concurso supón a total aceptación das súas bases e da resolución do xurado.

XURADO

O xurado estará composto por: un ou unha representante municipal; representantes das asociacións de mulleres de Rois; un ou unha representante do profesorado dos centros educativos participantes e un ou unha representante das ANPAs do concello de Rois.

CONDICIÓNS

O concello de Rois resérvase todos os dereitos para a utilización, reprodución e difusión dos traballos premiados. Os orixinais serán devoltos unha vez finalizada a exposición.

RESOLVO,

PRIMEIRO.- Aprobar as Bases do Concurso de Concurso de Carteis polo día da muller 2024.

SEGUNDO.- Comuníquese para o seu coñecemento a efectos da presente Resolución á Tesourería e Intervención municipal e á Concellería de Cultura.

Manda e asina o alcalde-presidente do Concello de Rois, D. Ramón Tojo Lens, en Rois, o día da sinatura; do que, como secretario, dou fe.

Ante min,

O secretario

O alcalde-presidente

D. Diego Losada Romero

D. Ramón Tojo Lens

Documento asinado electronicamente